

Ineqnarnermut, Attaveqarnermut Aatsitassanullu Naalakkersuisoq
Landsstyremedlem for Boliger, Infrastruktur og Råstoffer

Inatsisartunut ilaasortaq Kristian Jeremiassen, ATASSUT

Kristian Jeremiassenip decembarimi januaarimilu ilaasortaammik umiarsuaqarsinnaaneq pillugu apeqquteqaataanut akissut.

Qeqertarsuup Tunuani angallannikkut pissutsinut soqutiginninnerit pillugu qutsavigissavakkit.

2005-imi aningaasaqarnermut inatsisip akuersissutigineqarneranut atatillugu ilaatigut ATASSUT-mit tapaserneqartumik ukiumut 95 mio. kr.-it missaannik angallannermiit ilinniartitaanermut nuussisoqartarnissaa akuerineqarpoq. Taamatut annertuumik sipaarniuteqarnissamik Inatsisartuniit aalajangersimaneq najoqqutaralugu Ineqnarnermut Attaveqarnermullu Pisortaqarfimmiiit 2005-ip aamma 2006-ip ingerlanerani aqutsisoqalerpoq.

Apeqquteqaatit imatut akineqarpoq:

Qasigianguani, Qeqertarsuarni Kangaatsiamilu decembarimi januaarimilu ilaasortaammik umiarsualiinikkut angallannermi ajornartorsiutit aaqqinnejarnissaannik Naalakkersuisut pilersaaruteqarpat?

Naamik. Inatsisartut siunnersuutigisattut aaqqiinissamut aningaasaliissuteqarsimannngillat.

Nalunngilara 2006-imi angallasseriaatsip, Inatsisartut sipaarniessamut piumasaqaataat naammassiniarlugu ingerlatarisatta atuutilernera nunap ilaani aningaasartuutunik annertuunik nassataqarsimasoq. Sipaarniuteqartoqaraangat taamatut pisoqartarpoq, tamanna aamma uatsinnut eqquisimavoq.

Aningaasartuutit sapinngjisamik ikinnerpaajutinniarlugit siornatigut angallanneqarnissamut periarfissat marloqiusaaffigisimasaanni

05.12.2006
J.nr. 32.98+1

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

sipaarniuteqarnissarput toqqarsimavarput. Tamannalu tunngavigalugu angallasseriaaseq ataasiinnaq toqqammaviusussanngortissimavarput.

Qeqertarsuup Tunuanut tunngatillugu aasaanerani taamaallaat imaatigut angallanermut aammalu ukiuunerani taamaallaat silaannakkut angallanermut tapiissuteqartalerpugut. Tassa atugassarititaalersut aallaavigalugit pissutsit taamaattussanngorput.

Qularinngilara Inatsisartut isumaqatigissagaannga oqaruma 2006-imi angallannerup ilusaanut tunngatillugu politikerit ataatsimoorluta aalajangiinita kingunerisaat maanna atuutsilersut akuerisariaqarlutigit nassuerutigalugu maannamiit siumut isiginissatsinnut piffissanngortoq.

Aningaasanik nuussinitsigut uatsinnut killilersuutaasut isiginiaqarinagit meerartatta periarfissaat aallussinnaalersimavagut.

Ikinngutinnersumik inuulluaqqusillunga

Jørgen Wæver Johansen